

疆邦彞書

圭塘樂府卷二

湯陰 許有壬 可用

摸魚子 鳳凰臺次湯碧山教授韻

自簫韶九成來後岐山猶是隆古
羸顛劉蹶相枕藉幾度狸號鱗舞
堪笑處又蕞爾鍾山一霎神光吐
鶴汀鳬渚問吳德何徵紫霄輕下天
意竟誰許江山好老子狂吟箕踞千
年考信無據多情只有秦淮月還照
故宮焦土昏復曙漫寒暑悠悠老盡
梧桐樹從今記取看阿閣成巢朝陽
應瑞椽筆爲君賦

二中都餞荀平叔都事赴大都

正荒寒似逃空谷佳人又話離別
風低白草天無際漠

莫平沙如雪心欲折看落日飛鴻一線明還滅長歌激
烈把湖海襟期關山風物取次付彈鋏毛錐子千古
鑽研搜剋誰知更比鳩拙仲宣不作登樓賦閒殺一天
秋色珊珮玦羨公去鳴騶醉上長安陌子懷轉結怕紫
塞寒深碧雲暮合酒醒見明月

三登洞庭湖連天樓和劉光遠韻

問樓頭幾多煙景長風千里吹送洞庭島嶼留殘雪依
約玉龍飛動天故縱要老子南來添得詩囊重遙山翠
聳更澹澹斜陽蕭蕭落木感慨古今共人閒世何處
祥麟威鳳繁華一枕春夢江湖無限閒風月待我往來
吟弄君莫痛看起舞紛紛踏破中宵甕深杯自捧便喚

起湘纍旧羅江上沈醉是奇供

四賦玉簪用明初韻

笑人閒袞珪何物此花良貴天與倚闌瘦立亭亭玉刻
畫一生清苦人有語道不出藍田豈是真才具山人告
汝正蓬鬢蕭疏不勝冠冕眞者亦投去 洄溪水洗盡
眼中塵土天葩靜看齊吐冰壺涼月天如水塵柄肯論
夷甫翁醉舞任藁爾寰區共訝山中許搔風沐雨且受
用清香古今多少富貴草頭露

五賦雞冠花用明初韻

笑山人木雞心事年來斂觜藏距幽花細草聊娛目小
圃更無閒土膏澤溥豈天爲司晨偏與鍾奇古無人起

舞對寂寂園池蕭蕭風雨竦立爲誰怒三生夢猶繞
尸鄉棲處昂然幾欲掀舉按丹燧錦頭顱好葉葉舊時
毛羽天已許待海日升時飛上桃都樹人間凝佇看叫
白東方卻來平地千載不容腐

六次明初爲壽韻

算驅馳三十餘歲只將光景虛度野雲本是無心物辦
得幾多霖雨還自許量繇力粗才猶可松筠主天方見
與把村落溪山風煙朝夕著在最佳處青年志萬一
容裨當宁何慙與噲爲伍歸來千仞岡頭看卻笑瓊天
飛舞方學圃要摘我園蔬細和淵明句饒饒醉語道咫
尺重陽登高落帽休競汨羅渡

七次郭子敬祭酒同賞牡丹韻

記花王舊時名品共傳姚魏黃紫洛陽種植雄天下何
日移根來此青鏡裏任澹抹濃妝莫挽春衫比人閒四
美更天遣舒郎等閒一賦千載共心醉清平調漫與
東風料理繁華能擾天紀沈香亭上無人恨流入錦江
春水安故里又何似吾儕聊復尊疊耳清歌且止怕檀
板無知多嬌不耐驚得彩雲起

八迥堂盆池紅白蓮開予適臥病城居六月一日始往
一觀落者雖多開者方未已喜而賦此

笑當年柏臺蘭省四時風景孤負歸來幸得身無事底
又恁恁朝暮心口語是傳癖詩臞常把芳辰誤夜來風

雨早練悅雲飄紅衣霞捲香滴翠杯露
司花手無限
芳妍留住疑妝爲我延佇姑仙綽約如冰雪次第相從
微步天不如便失卻東隅儘有桑榆路人間塵土看太
華峰頭花開十丈吾老尙能去

九明初賦摸魚子壽予旣次其韻而可行塘成和之成

什衰病技癢亦足爲十首

買陂塘旋栽楊柳歸來此是先務他鄉故里都休校舊
雨不如今雨鴻在渚笑爾尙南飛吾已安孤嶼黃花解
語道人老宜秋身安耐酒此正有真趣
鑾坡路大手
深慙燕許超騰又悖鍾呂但求閒澹如元亮卻恨詩多
奇句傾綠醕底須按樂天池上霓裳譜休論往古有三

日重陽約君同醉老子築西園

十

買陂塘旋栽楊柳閒官宜治閒務老天助我攻清澹兩
月不遭泥雨規別渚更累土爲山留土分爲嶼鄉人共
語歎百歲墜蕪一朝疏闢此去曰成趣江湖願自是
平生心許元英誰羨陳呂石渠細溜鳴琴筑清似我家
詩句杯引醕便收拾松風寫入絲桐譜區區學古愧竊
祿無功投閒有分猶患不如園

十一

買陂塘旋栽楊柳年來於此承務涼臺燠館吾何有聊
芑一時風雨洲映渚向一片煙波鼎峙嵯峨嶼盤空硬

語挽三峽詞源千軍筆陣不盡樂閒趣 當年志爲國
微軀曾許青雲仍際干呂從知弱步難勝重夢斷九天
臚句時飲醕趁四序栽花綴作園池譜長歌弔古悵安
得良田茫茫萬頃種玉闢玄圃

十二

買陂塘旋栽楊柳田園忙勝官務放魚種藕常無暇移
竹又當新雨由近渚駕一葉扁舟時復還吾嶼花香鳥
語況心上無營眼前多景絃外有琴趣 尊疊小能費
人間幾許荷香惟欠仙呂天光雲影清難寫盡日撚髭
無句池作醕要醉上通明傳取釣天譜西山翠古任列
壑爭譏攢峰竦詭難及野人圃

十三

買陂塘旋栽楊柳塵凡皆與停務半生醉夢人閒世翻
覆幾回雲雨歸有渚似真到三山縹緲紅雲嶼忘懷笑
語任白鷺驚飛蒼苔不掃去此便無趣斜川路宇宙
茫茫何許綺園肯附諸呂悠然一見南山後便覺世多
塵句持此醕論心事中間異姓還同譜迂疏好古因藝
菊栽松滋蘭植蕙荒了種瓜圃

十四

買陂塘旋栽楊柳散人不理他務柳栽近水先應綠底
用等閒霖雨遵北渚看雙檜盤空倒影搖煙嶼千言萬
語只今日投簪經年閉戶便自得天趣眞男子報國

誰如張許論交仍負嵇呂我今但要閒陶寫幸免鏤章
雕句村甕醕此真是交梨火棗傳家譜庭空樹古有野
鶴時來衡門不鎖清徹地仙圃

十五

買陂塘旋栽楊柳歸農未免多務一庭四序饒風景且
說夜來春雨香溼渚愛新樹依稀數影連三嶼黃鸝不
語怕曲几團蒲坐忘方定驚破靜中趣功名事卻笑
平生自許誰調陽律陰呂而今且向東君問舊句豈如
新句開臘醕要醉喚石湖重緝寒梅譜榮枯自古趁九
十韶華六旬餘力終日醉吾圃

十六

買陂塘旋栽楊柳清風靜掃塵務柳陰已見疏成密又
聽綠荷敲雨鷗戲渚柰倏爾翻飛過崔嵬嶼形神自
語豈世事相縈機心未息物我不同趣池亭小收斂
風煙來許漁歌何愧鍾呂水紋瓦影相娛悅高詠退之
佳句荷酌醕有一曲滄浪不犯人間譜悠悠振古問誰
似吾儕攻迂習澹爲水廢場圃

十七

買陂塘旋栽楊柳眼中已辦歸務柳成修幹蓮成實均
沐老天恩雨憐小渚敢氣象侵陵海上神仙嶼神仙有
語任涓滴蹄涔茫洋鯨浪各自適歸趣星星鬢鏡裏
衰容如許西風又動商呂九原宋玉悲何及付與短歌

長句瓢汎醕縱不到箕山也是曾通譜由今視古看畫
錦堂前霜天老月千載照韓圃

十八

買陂塘旋栽楊柳田家小小成務一年清景君須記大
勝草煙花雨冰互渚把一片玻璃圍護瓊瑤嶼鉤簾獨
語是天富吾家地輸清供種種出奇趣桑榆樂造物
而今已許一竿自惜歸呂主塘欸乃煙波曲卻作腐儒
章句尊有醕是波若神湯世與詩同譜誰能復古且池
上觀梅鑪中煨芋燈下治書圃

水龍吟過黃河

濁波浩浩東傾今來古往無終極經天亘地滔滔流出

崑崙東北神浪狂，
飈奔騰觸裂轟雷。
沃日看中原形勝，
千年王氣雄壯勢隆。
今昔鼓枻茫茫萬里棹，
歌聲響凝空碧壯游汗漫山川。
縣邈飄飄吟迹我欲乘槎直窮
銀漢問津深入喚君平一笑，
誰誇漢客取支機石。

二題賈氏白雲樓次牧庵韻

結樓高倚晴空，
人間何限思親處。
白雲誰遣等閒出岫，
悠悠來去本是無心。
寧知下土有人延佇，
悵荒煙衰草九原難作空目。
斷北陵樹見說大鵬變化，
趁扶搖又搏雲路。
朱簾畫棟關山縣邈，
夢魂良苦兩字行藏百年
忠孝致君榮祖待更驅屏翳，
溥爲霖雨繼商家傳
三至順癸酉九日秋興亭賦

一亭飛出層霄昔人似爲登高辦雙眸千里茫茫宇宙
滔滔江漢一片秋光青山紅樹斷雲斜雁想人生塵世
難逢開口但酬節何多歎細數年年今日誤清歡半
因羈宦邇來心事無慚猿鶴更齊鵬鷗華髮新添黃花
任笑烏紗頻岸且一尊傾倒不須醉後把茱萸看

四趙伯寧中丞代祀淮瀾過維揚徵賦

五雲飛出蓬萊天香散滿人間世龍翔鳳翥千齡一遇
明良慶會節鉞重來士民騰喜山川增氣想四方地遠
九重心切都要見閭閻事寤寐天顏咫尺裊秋風一
鞭歸騎昔年勲業烏臺倚重紫垣虛位自顧疏庸資身
無策敢論經費但儒酸不改作鹹充賦助和羹味

五喜雨用鄭彥章韻

四郊禾稼如雲方驚數日甘霖好吾皇有德老天能事
非因人禱一夜風雷玄雲撥亂銀河傾倒問田閒消息
年年氣象更催得秋成早壓盡東華塵土湛冰壺九
重清曉晴光漸放瀛洲波定御溝聲小綠野春回黃扉
晝靜篆煙縈繞願魚羹有飯避賢歸去向山林老

六甲申七月廿六日偕王居仁王仲武小酌涇堂

涇堂半月三來小庭日見添佳致蒼簷疏瘦黃葵高潔
玉簪清麗林影波光新晴景物嫩涼天氣對溪山如此
田園歸去除詩酒渾無事爛漫鄉鄰雞黍比當年鼎
烹加味古今都說浮雲春夢功名富貴何事迷途直臨

老境纔尋平地把塵寰休問菊花行綻請重來醉

七次前韻二首

此身就健宜閒莫教七十纔休致招讒賈怨聲名烜赫
文章雄麗三紀紅塵一簪華髮消磨豪氣有清泉白石
實聞吾語吾衰矣毋多事世故眞如嚼蠟數年來已
知無味尋常有句人爲宰相閒方是貴洄水秋清無邊
風月無窮天地看奮髯箕踞蒼苔濁酒爲青山醉

八

半生人海風波謗書盈篋從文致歸來結構且圖跼伏
敢求華麗朝暮娛人水聲山色柳陰花氣笑彤闌紫闥
浮沈十載更幾載成何事好是西成咫尺秣田風已